



Proget via da god Gondas-Güstizia - surdatta da lavurs

In connex cul proget da la via da god Gondas-Güstizia ha la suprastanza cumünala surdat las lavurs a las seguaintas dittas: furniziun da material a Sosa Gera SA a Zernez: transport da material a Terretaz SA a Zernez.

Proget d'incablament "Netzentwicklung Engadin"

Il proget cuntshaint d'incablament da lingias e cabels da forz'electricica tanter Pradella e La Punt as rechatta actualmaing illa fasa da's cunvgnir tanter tuot ils partenaris a regard detagls da la collavuraziun. La suprastanza ha approvà duos contrats. Ün tanter la Corporaziun Energia Engiadina CEE, la EE Energia Engiadina, l'OE Zernez ed il Cumün da S-chanf e l'oter tanter la Corporaziun Energia Engiadina CEE e l'OE Zernez. Quists contrats reglan las masüras da cumpensaziun economicas in connex cul proget da la lingia d'ota tensiun tanter Pradella e La Punt.

Concept dad IT illas scoulas dal Grischun dal Süd

Il plan d'instrucziun 21 prescriba cha mincha scoula ha da lavurar tenor ün concept dad IT. Quist concept es gnü elavurà per tuot las scoulas dal Grischun dal Süd da la miaEngiadina. Quist concept vain introdüt al cumanzament da l'on da scoula 2018/19.

Staziun Lavin - part Sagliains - approvaziun cumpra definitiva ed adöver temporari da terrain

La suprastanza ha sancziunà la cumpra definitiva dal terrain e l'adöver temporari da terrain pel fabricat da la part da Sagliains pro la staziun da Lavin.

Seguonda lectüra preventiv 2018

In üna seguonda lectüra ha la suprastanza cumünala trattà detagliadamaing ils preventivs dal quint da success e dal quint d'investiziun 2018.